

# ORATIO

DE PVERO IESV,  
EIVSQUE NATALI.

**M**Os fuit apud vetustissimos Græcos, & Romanos, vt orationes habituri, prius numinis alicuius implorarent auxilium. Ita Pericles ad Remp: Atheniensem verba facturus, rem sacrā facere solebat, Deosq; immortales rogare, ne sinerent verbum ullum excidere inconueniens loco & personis: Ita vates apud Ethnicos responsa oraculorum pronunciaturi, prius sacrificia offerebant, maestatis pecoribus sibi Deos placari somniabant, vt oracula certa æderent. Si Ethnici initio operum suorum cæremonijs, & cultu inani Deorum benevolentiam compare studerunt: Si tanta rerum expe-

C      tientia

xientia prædictus, tanta eloquentia,  
& prudentia Pericles animaduer-  
tit, eam esse infirmitatem nostram,  
tantam naturæ corruptionem, vt  
in omnibus diuino opus habeamus  
auxilio, quanto magis ego, nec vſu  
rerum, nec doctrina Pericli confe-  
rendus, tota mente, cogitationibus,  
ac votis in re tam ardua, plena di-  
uinitatis, & admirationis, totiusque  
salutis nostræ Dei opem implo-  
rare teneor, maxime, cum oratio  
quam habiturus sum non multum  
differat ab ijs. quæ lingua materna  
in Ecclesijs habentur ferè cotidie  
pariter ad doctos & indoctos.  
Quapropter oro, si vnque alias, in  
hac oratione mecum precari Deum  
dignemini, ac in primis Christum fi-  
lium eius, vt iuuet me suo spiritu  
S. dictorum de suo natali, & be-  
neficijs, quæ in totum genus huma-  
num contulit sua mirabili humili-  
tate, tantaque misericordia erga nos,  
quantam

quantam nullus humanus animus  
assequi, nulla lingua etiam diser-  
tissima pro dignitate satis declara-  
re potest.

Non existimo, opus esse longa  
oratione causam exponere, quare  
hanc cathedram in præsentia do-  
ctissimorum Virorum ascendere,  
tantam prouinciam & onus subire  
ausus sim, cum notus sit receptus,  
& laudatissimus Academiæ nostre  
mos, vt ex hoc loco præcipuis anni  
festis aliquid dicatur, latini sermo-  
nes habeantur, non tam exerci-  
tij causa, quam res arduas ad cre-  
dendum vt difficillimas, ita ad fu-  
turam vitam maxime necessarias  
commendare, inculcare, infigere  
nostris mentibus, & prorsus effi-  
cere, vt remota omni dubitatio-  
ne firmiter credamus, vnum esse  
Deum, mentem æternam : Chri-  
sti beneficijs nos liberatos, omnia  
per hunc condita esse, gubernata

C 2 tri &

ti & conseruari, ipsamq; autorem  
esse nostræ & religionis, & salutis.  
Quare cum publica consuetudo, et  
autoritas nostri Magistratus, cui in  
pijs, iustis & honestis rebus resiste-  
re parum decorum est, minimeq;  
decet, hoc mihi dicendi officium im-  
ponant, non dubito, quin prosolia-  
ta vestra humanitate, & beneuo-  
lentia, qua hactenus omnes audi-  
stis, qui in hunc locum dicturi pro-  
dierunt, me quoq; benigne placi-  
deq; audiatis, attentionem & iustū  
tempus tribuatis. Ego aut si qua-  
dam ingenij felicitate, eloquentia,  
& exercitio ad dicendum prædi-  
tus essem, summo certè conatu in-  
cumberem, ut tanta Christi benefi-  
cià dignis verbis ornarem, iusto eõ-  
mendarem encomio : verum cum  
vobis nota sit doctrinæ mediocri-  
tas, quam quidem liberè fateor, &  
agnosco, initio rogo, si vbertate  
& splendore orationis, cui erudi-  
tissimæ

tissimæ aures vestræ adsuetæ sunt,  
argumentum quoq; hoc expostu-  
lat, forsitan destituar, id verecun-  
diæ, quæ plerunq; iuueniles annos  
comitatur, & deterret in corona  
tot præstantissimorum virorū per-  
orare, adscribatis, & condonetis.  
Operam tamen dabo : ita me ve-  
stris auribus pro facultate studebo  
insinuare, vt nemo vestrum mihi  
magis, quam sibi operam dedisse  
diligenter auscultando videatur.  
Primum igitur quædam de nomine  
huius infantuli dicā : deinde, quām  
se humiliauerit diuina Maiestas,  
quantam misericordiam, quantam  
benevolentiam nobis exhibuerit,  
quantis beneficijs nos affecerit, si-  
mulq; quorundam errores & hæ-  
resin de hoc infantulo refutare ten-  
tabo, si tempus orandi patietur.  
Hęc cum erint explicata, quod cō-  
fido me facturum breuiter, & di-  
lucide. vos, auditores, dimittam,

C 3      vt

vt spero, non ieunos aut inanes,  
sed cupidos plura de hoc infantulo  
cognoscendi, aut certe eadem ite-  
rum atq; iterum audiendi, non tam  
vt sciatis, quæ de puerō IESV per  
scripturam, & S. Patres dicta sunt,  
quam vt apud animum s̄epius a-  
gitetis hæc beneficia, & aptiores  
fiatis ad æternam vitam conse-  
quendam.

Frustra autem fiet mentio de  
Christi natali apud eos, qui nihil  
sciunt de mundi origine, de primi-  
plasmatis lapsu, de voluntate Dei,  
de Peccato, & promissionibus di-  
uinis: qualiscunq; harum rerum &  
similium cognitio debet lucere in  
animis eorum, qui tales conuentus  
visitare volunt. Feriæ Natali-  
tiæ celebres sunt maximè duas ob-  
causas: Primo quod Dei filius na-  
tus est homo, Et Deus apparuit.  
Quæ causa tam grauis, tam ne-  
cessaria

cessaria permouit Christum ab æ-  
terno Dei filium humanam for-  
mam assumere, nasci & alijs mi-  
serijs vitæ subijci? Cum primi  
nostri parentes magis in uido de-  
ceptor Diabolo crederent, eiq;  
magis obedirent, quam Dei man-  
datis, qui prohibuerat, ne de ar-  
bore cogitationis boni & mali co-  
mederent, vox Dei horribilis au-  
dita est, Maledicta sit terra pro-  
pter inobedientiam tuam: non so-  
lū primi homines, sed vniuersa po-  
steritas hoc dictum audiuit, Terra  
es, & in terram reueteris. Ne igi-  
tur aut desperatione, aut magnitu-  
dine peccati periret totum genus  
humanum ad imaginem Dei con-  
ditum, rursus consolationem addi-  
dit Deus dicens, Semen mulieris  
contundet caput serpentis. Hæc  
consolatio sine dubio primum  
plasma rursus erexit & confir-  
mavit. Quoniam autem ma-

C 4 gnitudo

gnitudo delicti solum humanis vi-  
ribus, solum humano sanguine ex-  
piari non poterat, Christus nostri  
misertus, patri supplicauit, pro sa-  
lute nostra intercessit, culpam de-  
precatus est, voluntati patris se sub-  
misit, quod sit futurus victima pro  
salute generis humani, nos velit li-  
berare à captiuitate Diaboli, et pro  
fundo æternæ mortis, ac nos patri  
rursus reconciliatos reddere. Itaq;  
omnipotens Dei filius, omnia in-  
plens, omnia continens, æqualis  
per omnia patri, in vna ex ipso, &  
cum ipso cōsempiternus Eſſentia,  
humanam in ſe fuſcepit naruram :  
creator & Dominus omniū rerum  
dignatus est pro salute noſtra vnuſ  
eſſe mortalium, electa ſibi matre,  
quam fecerat, quæ ſalua integrita-  
te virginea, corporeæ tantum eſſet  
ministra ſubſtantia, vt humani ſe-  
minis eſſante contagio, nouo ho-  
mini & puritas in eſſet, & veritas.

Hodie

Hodie igitur apparuit ista lux: ho-  
die natus est Christus saluator: ho-  
die implete sunt scripture, & Pro-  
phetiae apparent: hodie verbum,  
id est, filius Dei factus est homo: ho-  
die sublata est irata vox patris, so-  
nans, Poenitentia fecisse hominem.  
Nunc angeli lætantur nostram re-  
demptionem, cantant, & gaudium  
magnum annūciant, dicentes, Glo-  
ria in Excelsis Deo, Et in terra pax  
hominibus bonæ voluntatis, quia  
natus est redemptor et saluator ge-  
neris humani, Puer Iesus, cui co-  
gnomen est Christus: salus nostra  
in Bethlehem Iudeæ iacet in præse-  
pio, & pannis inuoluta: nunc ter-  
rentur omnes inferri, tremit mors,  
aculeus mortis frangitur, quia vi-  
dent de virgine natum esse regem  
cœli & filium altissimi. Hunc au-  
tem Christum verum esse Messi-  
am à patre promissum Euangelica  
historia confirmamur, accedenti-

C 5 bus

bus Propheticis testimonij, ut nullo modo dubitemus, & ambiguum habeamus, quod prius multis oraculis & signis fuit prædictū : Dicit enim Dominus ad Abraham Genesis 22. In semine tuo benedicentur omnes gentes. Similiter Dauid promissionem Dei Prophe-tico spiritu canit Psal: 30. Juravit, inquit, Dominus, & non frustrabitur eum, de fructu ventris tui ponam super sedem tuam. Porro repletam esse scripturam, & verum Messiam in hunc mundū venisse, nec alium expectari iuxta Iudæorum opinionē, satis declarant Veteris testamenti testimonia. Dicit enim Esa: Ecce Virgo concipiet, & pariet filium, & vocabitur nomen eius Emanuel, hoc est, Deus nobiscum : rursus 12. Cap: dicit, Exiet virga de radice Iessæ, & flos de radice eius ascendet. In qua virga sine dubio virgo Maria prædicta

dicta est, quæ de Iesse, & stirpe  
Dauid progenita, ac spiritu S. fœ-  
cundata, nouum florem carnis hu-  
manæ, vtero quidem materno, sed  
partu enixa est virginèo. Item  
Cap. 9 dicit. Vocabitur nomen  
eius admirabilis, consiliarius, Deus  
fortis &c.

Quamvis autem Iudæi vete-  
ratorie hæc testimonia eludunt, &  
cauillantur vocabulū El, quod De-  
us significat: eorum tamen præfii-  
gias refutat ipse textus Prophetæ,  
qui sequitur, scilicet, Pater vitæ æ-  
ternæ: nosq; amplectamur verita-  
tem, & indubitata fide credamus  
hunc infantulum renatum esse iu-  
stificatorem nostrū, vt vocat Hier:  
33, vbi Propheta ei tribuit gloriam,  
& virtutem, quæ soli Deo compe-  
tit. Iustificare enim, auferre pec-  
catum & iram Dei, reddere iusti-  
tiam, ac vitam æternam nemo  
potest, nisi solus Deus, sicuti Chri-  
stus

Iustus ipse dicit, Ego sum via, veritas  
& vita, ego do eis vitam æternam.  
Hec sunt scripturæ testimonia, qui  
bus non tantum Iudeorum error et  
pertinacia vineitur, sed omnium e-  
orum, qui alteram in Christo na-  
turam pertinaciter negant, filiū pa-  
tri essentia & potentia coæqualem  
non esse, minorem esse patre, &  
quidem creaturam, sicuti Arrius  
fensit. Multo horribilius Photinus  
mentis cæcitate deceptus, Christum  
verū quidem hominem confessus,  
sed eundē Deum de Deo ante o-  
mnia sæcula genitum non credidit.  
Horum & similiū errores quam-  
uis argutijs, et velut fuco, atq; affi-  
titio colore in spatiem ornantur:  
tamen quia manifeste contrarian-  
tur scripturæ: expressa Christi &  
Apostolorum verba eorum impi-  
etate vincant: abundat enim scri-  
ptura S. testimonij de Christo,  
quod sit Deus ab æterno, in Chri-  
sto na-

sto nato ex Maria virgine duas es-  
se naturas sic vnitas , vt Christus  
vna tantum sit persona: Dicit enim  
ipse Christus, Ego & pater vnum  
sumus : & rursus, amen amen di-  
eo vobis, antequam Abraham na-  
sceretur , ego sum. Item Ioan:  
1 dicit. In principio erat verbum,  
& Verbum erat apud Deum,  
& Deus erat verbum : similiter &  
Paul: dicit. 1 Thess. 3. Ipse De-  
us, & pater noster I E S V S Christus  
dirigat viam nostram ad vos : rur-  
sus 2 Thess. 2. Ipse Dominus  
noster I E S V S Christus, & Deus &  
Pater noster, qui dilexit nos, & con-  
solationē dedit æternam &c. Nos  
lucidissimam veritatem præpona-  
mus impijs fabulis, non seducant  
fictæ & simulate hypocrites, quæ  
non ad salutem, sed pernicem ani-  
marum proficiunt. Firmiter cre-  
damus hunc puerum conceptum,  
& procreatū esse de spiritu S.

itac

itaq; Deus, & in omnibus æqualis  
suo patri. Quæ procreatio tam est  
admiranda, vt superet omnem hu-  
manum captum : diuina enim na-  
tura cum humana, & humana cum  
diuina copulatæ sunt, ex quibus  
vna facta est persona, quam Græ-  
ci, & sancti Patres vulgari no-  
mine hypostasin vocant. Explo-  
damus omnes Arrios, Paulos, A-  
pollinarios, Manetes, Nestorios,  
& similes, qui hunc Ecclesiæ ve-  
rum consensum obpugnant. Im-  
pium est, nefarium, & pugnat cum  
S. scriptura, atq; orthodoxis in-  
terpretibus somniare hunc pueru-  
lum non esse verè, & naturaliter  
Deum atq; hominem, semper ocul-  
lis animi intueamur dictum Apo-  
stoli dicentis, Si quis vobis aliud  
Euangelium annunciauerit præter  
id, anathema sit.

Venio nunc ad nomen huius  
infantuli, quod duplex est, & v-  
trunc

trunc multum mysterij in se conti-  
net: alterum I E s v s , quod serua-  
tor, alterum Christus, id est vnc̄tus  
dicitur. Quamuis autem vnc̄tio  
omnibus Iudaicis regibus fuit com-  
munis, in primis tamen conuenit  
huic regi nostro, quem Iudei non  
agnoscunt, alium expectantes, &  
sua lingua Meschiam vocant, à  
quo Græcum Christus nihil sua si-  
gnificatione differt. Sic olim ap-  
pellati sunt reges Hebræorū, quod  
vng erentur initio, cum designa-  
rentur. Sub qua Cæremonia sine  
dubio significatur vera illa vnc̄tio  
Domini nostri I E s v Christi filij  
Dei, & omnium electorum, qui  
cum hoc rege venerunt, & ven-  
turi sunt in societatem sui regni.  
Non autem perficitur humanis aut  
terrestribus aromatum liquoribus,  
sed diuino, ac cœlesti vnguen-  
to, id est, virtute & efficacia Spi-  
ritus S. sicuti Psalm: canit, Dile-  
xisti

xisti iustitiā, & odisti iniquitatem,  
qua propter vnxit te Deus, Deus  
tuus oleo lætitiae præ confortibus  
tuis, & rursus Propheta, Spiritus  
domini super me, quia vnxit me.  
Quemadmodum autem regum Iu-  
daicorum vnectio nihil aliud signi-  
ficauit, nihil aliud fuit, quam v-  
nctionis in Christo tanquam cœle-  
sti, & sanctissimo rege simulachrū:  
Ita & reges ipsi, totumq; regnum  
eorū imago fuerunt venturi cœle-  
stis regis victuri mortem & Diabo-  
lum, & regnaturi in perpetuum.

De altero nomine I E s v,  
quantumuis est dissensio quædam,  
dignitati tamen, & maiestati huius  
regis nihil detrahit. Communis  
eruditorum consensus probat hoc  
nomen à seruando factum esse, qđ  
Euangelistæ Matthæus & Lucas  
testari videntur, dum in altero an-  
gelus dicit ad Ioseph, Ipse saluum  
faciet populum suum à peccatis su-  
is : in

is: in Luca ad pastores, Quia natus  
est vobis hodie saluator. Quod ve-  
ro quidam hoc obpugnant volen-  
tes sua subtilitate gloriam diuinam  
defendere, quasi nomen hoc vilius  
sit, & tenuius quam ut Deo tribu-  
atur, cum reges olim hoc nomine  
sint appellati, nec omnes semper  
boni fuerint, non quidem repræ-  
hendendi sunt in hoc, quod Dei  
gloriam defendere, & si qua ratio-  
ne possent, augere & promouere  
conantur: nos tamen, remissa hac  
disputatione doctoribus, & S.  
linguae peritis, contenti simus sim-  
plici expositione, I E S V M signifi-  
care seruatorem, vnde & nomen  
acepit non humano ingenio ex-  
cogitatum, sed ore diuino prola-  
tum: nam expresse extant angelici  
verba dicentis, Et vocabis no-  
men eius I E S V M, quod tam  
magnum, tam potens est, ut in  
eo flectatur omne genu cœlesti-

D      um,

um , terrestrium & infernorum.  
Porro hoc etiam dicendum cen-  
sui, quod Matthæus & Lucas de  
genere Christi scripsérunt quasi pu-  
gnantia, & diuersa, cū alter auum  
eius paternū (vt tum putarunt plu-  
rimi) Elidicat, alter auum Matthan  
faciat. Et quanqu in tribu nulla est  
diuersitas, quia & Salomon, & Na-  
than fuerunt filij Dauid, esse tamen  
videtur in genere, quod Matthæus  
à Salomone deriuat Ioseph ma-  
ritum Mariæ, alter à Nathan. Hęc  
si recte perpendamus, experiemur,  
re ipsa nequaquam inter se pugna-  
re. Quanquam enim vere, & na-  
turaliter Ioseph procreatus est à  
Iacob, vt Aphricanus apud Euse-  
biūm etiam testatur, nihilominus  
tamen & Eli Ioseph pater fuit,  
Melchi veroauus, non procreati-  
one, aut natura, cum vnius tantum  
sit unus Pater, sed ex lege, atque illi-  
us gentis consuetudine, secundum  
quam

quam & is , qui prius habuit mu-  
lierem aliquam coniugem, siue so-  
bolem ex ea suscepit siue non,  
sequens maritus veri patris nomen  
obtinet. Atq[ue] ita Matthæus na-  
tuum ordinem in recitandis ma-  
ioribus paternis **CHRISTI**, Lu-  
cas legittimum aut ciuilem est se-  
cutus. Valde sudauit in hæc re  
Philo, qui alios ex stirpe regia Da-  
uidis post Salomone & Nathan  
binomines facit, alios trinomines,  
qui etiam ob id deridetur, & quasi  
conspuitur. Verum hæc res cum  
sit penè inexplicabilis, temporis  
quoq[ue] breuitas & frigoris iniuria  
longiorem moram non patiatur,  
Theologis latius discutiendam re-  
linquo : nos de cardine salutis  
nostræ, loquemur, & causa tan-  
tæ humilitatis in Christo, & quo-  
modo sanctissimum hoc festum ce-  
lebrari oporteat. Cogitanti mihi de  
hac immensa, & ineffabili mise-

D 2 ricordia

ricordia Dei , infinito amore erga  
genus humanum, lingua hæret, a-  
nimus stupore confunditur , tam  
magnum fuisse humanum delictū,  
vt ob id p̄prio filio Deus non pe-  
percerit , sed pro nobis illum tra-  
diderit , qui forma serui assumpta,  
similis hominum factus , & in hu-  
mana specie inuentus , humiliauit  
se , & obediens factus est v̄sq ad  
mortem, vt dicit Apostolus, mor-  
tem autem crucis. Quibus verbis  
nihil vehementius,nihil expressius  
ab Apostolo excogitari potuit.  
Primo enim iuxta p̄cedentia ver-  
ba clare testatur eum esse Deum,  
vbi dicit, cum in forma Dei esset.  
Quid obsecro aliud est, esse in for-  
ma Dei, quām in Dei natura , hoc  
est,in ipsa Dei maiestate & gloria?  
Forma enim Dei , est ipse Deus.  
Hic tamen conditor omniū rerum  
et conseruator in terram se dimisit,  
vt homo fieret, gestaretur in vtero  
puellæ

puellæ virginis, nasceretur, aleretur, & omnibus humanis miserijs subiectus esset, tandemq; illas omnes vnâ cum peccato illarū causa acerbissimis cruciatibus suis & morte superaret, ac euerteret. Qui amor tantus est, vt nullis humanis cogitationibus, aut verbis comprehendendi queat: Deus enim communicauit nobis sua bona, iustitiam, innocentiam, sanctitatem, vitam ipsam, imo exercuit mirabilem & inusitatam mercaturam, in qua, vt D. August: scribit, dedit honorem pro ignominia, vitam pro morte, pro contumelia gloriam. Sic autem hæc omnia sunt ab eo gesta, vt formam diuinam non deposuerit, sed occultauerit, ac dissimulauerit, & velut humana specie vestiuerit. Hæc est humilitas, et deiectio Christi, quæ credenda, & magnificienda est, non scrutanda nimis anxie, aut aliter, quam sacrè literè volunt.

D 3 Hæc

Hæc filius Dei omnia fecit, vt nos  
adimeret Sathanæ, peccato, mor-  
ti, ac Deo redderet, iustitiæ, vi-  
tæ æthernæ: vt ex seruitute æther-  
na in æthernam libertatem nos af-  
sereret, ex terra, imo ex inferis in  
cœlum transferret, ac efficeret fili-  
os Dei, suos fratres, & cohære-  
des suorum bonorum. Propter  
hæc beneficia nobis collata singulis  
annis C H R I S T I natalis celebratur  
in Ecclesijs, vt sicuti Deus peregrī-  
natus est ad homines, ita nos ad  
Deum migremus: nos veteri ho-  
mine deposito nouum induamus,  
& quemadmodum in Adam mor-  
tui sumus omnes, itidem in C H R I-  
S T O renascamur, & viuamus,  
Psalmis & hymnis nato infantulo  
iubilemus, syncero corde glorifice-  
mus eum, ferias agamus diuinè,  
non festiuiter, vt cōsueuit hic mun-  
dus, qui magis terrestria curat in  
solennitate tantorum festorū, quām  
veram

veram pietatem, & deuotionem :  
plus tribuit superbiæ , gulæ , &  
alijs carnalibus delicijs , quām pijs  
affectionibus, id quod experientia te-  
statur, & luce claruis est. Anti-  
quitas deuotioni studuit, & pietati,  
ideo ieunia instituit, vt animus a-  
ptior redderetur , & præparatio  
de Dei beneficijs cogitandi, dignas  
ei gratias & laudes tribuere. His  
virtutibus & ornamentis vestic-  
abantur homines. Iam proprie-  
tate contemptus, pro deuotione su-  
perbia, pro ieunio delitiæ animis  
hominum se insinuarunt, nulla aut  
certè parua pauperum & egeno-  
rum ratio habetur. Quantus e-  
nim fastus , quanta animi elatio  
nunc mentes humanas tenet? Vix  
quenquām inuenias, qui sibi vitam  
polliceatur, aut viuere posse spe-  
ret, nisi in talibus festis in nouo,  
& quidem insolito vestitu ap-  
pareat : non dico de solito , &

D 4 pro

pro dignitate cuiuslibet personæ,  
decente vestitu. Rusticus ciuem,  
ciues nobilem, nobilitas principem  
pompa superare nititur. Quantam  
nam superbiam exercet sexus mu-  
liebris ineffabilem, & plus quam  
execrandam? Apud Romanos  
olim sumptuariæ leges ferebantur.  
Cato apud Liuium summa conten-  
tione legem oppiam tuetur, quæ  
modum sumptibus mulierum præ-  
scribebat. Nostro tempore mini-  
stras, famulas, & infimæ conditio-  
nis vtriusq; sexus homines vide-  
mus more saltantium, & salienti-  
um equorum, instar pauonum vi-  
stitu colorato ingredi. Quæres ad  
turitudinem et peccata occasio est  
præcipua: dum enim facultas, &  
fortunæ tenuitas non patitur tantos  
sumptus, & pompam, rationes in-  
eunt impudicas, & inhonestas, qui-  
bus genio & affectibus indulgere  
possint. Hoc non est cum Christo  
renasci:

renasci : hoc non est Christo con-  
formem reddi : hoc non est gratias  
agere infantulo pro immensa sua  
misericordia, magis est necare, pe-  
dibus proculcare, & plus quam  
Herodes fecit, in desertum & exi-  
lium alegare. Nihil iuuat te ( ut  
cum D. Gregorio loquar ) nares  
delicatis auribus effeminare : nihil  
balatum impuris illicetebis imbue-  
re, nihil vestis delicatae & diffluen-  
tis luxum prætendere. Non rena-  
sceris fulgore gemmarum, non au-  
ri splendore, non catenarum et an-  
nularum in digitis ostentatione.  
Non participem te reddent bene-  
ficiorum Christi sumptuosæ vestes  
caudis pauonum adornatae, super-  
bi tui ingressus, mores & gestus im-  
pium animum, & prorsus alienum  
a Christo contestantes. Non cum  
angelis glorificas Deum in excel-  
sis, dum opiparis cibis indulges, va-  
rij vini nobilissimi flagrantiam ma-

D 5 gnifacis,

gnificis, fixis aulæis domus tuæ pa-  
rietes ornas, quæ omnia incita-  
menta sunt ad libidinem, & qua-  
si umbracula ipsis ventris delitijs.  
**V**æ, væ nobis peccatoribus, qui  
salutem animæ tam parui pendimus:  
qui Dei misericordiam non  
agnoscimus, scientes & volentes à  
vero religionis limite aberramus.  
Deus minatur pñnam multis mo-  
dis: Ex altera parte varijs morbo-  
rum generibus punit: ex altera im-  
minet & excidium minatur Tur-  
cicus exercitus. Sed causam non  
est, quod quæras. Si ignoras. In-  
tuere tantum vitam hominū, quam  
nunc sit corruptissima. Omnis sit  
fere deleta pietas, extincta chari-  
tas, amor, concordia, pro quibus  
irrepserunt crudelissima quæq; vi-  
tia, contemptus veræ religionis,  
ebrietas, superbia, inuidia, odium,  
blasphemæ, & similes flagitorum  
fordes. Sed quid ego conor hoc  
loco

loco singula enarrare ? cur inanem  
operam sumo , mea oratione ho-  
mines ad meliorem mentem tradu-  
cere , cum id præstare nequaerant  
maxime auroritatis atq; eruditionis  
Viri , ipsius verbi Dei præcones  
publici : Ego tamen , quia non  
alienum videbatur ex hoc loco  
corruptam nostram naturam taxe-  
re , idq; & materiam & locum ef-  
flagitare , rei indignitate motus ta-  
cere non potui , publice dicendum  
censui , id quod res est , & veritas.

Deplorandum est , & lachry-  
mis dignum , nato infantulo iustum  
honorem non tribui , eius benefi-  
cia non considerari , qui se adeo  
humiliauit propter nostram salu-  
tem , ut in præsepe poni se pas-  
sus sit : . cuius cunabula non deau-  
ratis columnis fulta , non panno  
serico , & splendidissimis linteolis  
tecta , sed substernameutum & le-  
cti fue-

Eti fuere stramen & fænum. Quem  
bos & asinus Dominum cognoue-  
runt, nos, quorum gratia homo na-  
tus est, debito cultu agnoscere re-  
cusamus. Solum enim propter no-  
stram salutem & redemptionē hu-  
manam induit naturam, quod pe-  
nè innumerī scripturæ loci testan-  
tur.

Resipiamus igitur : conside-  
remus diligenter, qui simus : altis-  
sime animis nostris infigamus di-  
ctum Prophetæ dicentis : Puer  
natus est nobis, & filius datus est  
nobis. Nobis, dicit, natus est par-  
uulus, non sibi, non angelis, sed no-  
bis, hoc est miseris peccatoribus.  
In hunc oculos defixos habeamus,  
huius voluntati, & mandatis ob-  
temperemus, opera ea exerceamus,  
vel saltem exercere studeamus, &  
quidem ex animo, sinceraque corde,  
quæ C H R I S T V S ipse fecit. Hic  
ad patrem, si sucrimus eum secta-  
ri, si

ti, si verbis eius crediderimus, si di-  
lexerimus, opera charitatis & fidei  
præstiterimus, persæuerauerimus  
ad finem usq; sperando in eum, in-  
uocando, adeoq; diligenter que pre-  
cepit nobis obseruando. Hic libe-  
rabit, & tuebitur nos ab omnibus  
impudentibus malis & periculis,  
dimicabit pro nobis tanq; filijs dile-  
ctis sua nativitate & morte redem-  
ptis, modo nos de officio nostro  
tanq; filij obedientes cogitemus, &  
præstemus ea, quæ à nobis requi-  
runtur. Hæc aut ut facere possi-  
mus, & nobis omnibus contingat,  
peccor, & vos ut precemini hunc  
nostrū saluatorem IESVM CHRIS-  
TVM diligenter ac pijs animis  
propter animarum salutem &  
communis patriæ utilita-  
tem oro & obtestor.

DIXI.

ORA-